

Sumiiffinni immikkut toqqakkani takornariartunut kiffartuussinernik ingerlatsinissamut akuersissuteqartarnej pillugu Inatsisartut inatsisissaattut siunnersuut

(Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Saqqummiussissut**Siullermeerineq**

Takornariartitsisarnermut akuersissuteqartarnej pillugu inatsisip 2012-imi pilersinneqarnerata tunuliaqutaraa, neqeroortartut allat immikkut iluaqutigisinnaanngisaannik niuernikkut aaqjissuussinermik ineriartortitsisinnaanissamik ammaassinikkut, piffissamut ungasinnerusumut isigisunik takornariartitsisarnernut atatillugu aningaasaliissuteqartarnermi atugassarititaasunik pitsanngorsaaniarnej. Akuersissutit kinguneqanngillat allat sumiiffinni allani takornariartitsisarnikkut nioqqutit assigisaannik neqeroortarnerit killilerneqarnerannik.

Massakkut inatsisiusoq arlalitsigut nutaannngilisimammat, Naalakkersuisut nutaamik inatsisiliussallutik 2023-mi aalajangerput.

Sumiiffinni immikkut toqqakkani takornariartunut kiffartuussinernik ingerlatsinissat akuersissuteqartariaqarnerinik, Naalakkersuisut sulii malittarisassanik aalajangersaasinnaanissaannik inatsisissatut siunnersuut kinguneqassaaq. Taamatut aalajangiisoqassappat, najukkami takornarialerinerup ineriartortinneqarnissaanut inatsit kommuninut pingaarnertut sakkussaassammat, aallaavittut tamanna komunalbestyrelsip kaammattuutigissavaa.

Sumiiffimmi immikkut toqqakkami takornariartunut kiffartuussinissaq akuersissuteqarfiusariaqarneranik malittarisassanik aalajangersaasoqassappat, neqeroortitsisoqareerneratigut nalilersuissalluni ataatsimiititaliamik pilersitsisoqassappat, taakqua tusarniaaffigereerneratigut, piginnaatitsissummik pigisaqartumut takornariartunut kiffartuussisinnaanissamut akuersissummik Naalakkersuisut tunniussisinnaassappat. Takornariartunut kiffartuussinissamut akuersissut kisermaassinertut tunniunneqassaaq.

Naliliisartumik ataatsimiititaliamik Naalakkersuisut pilersitsisinnaanerit siunnersuut inatsisitigut tunngavissiissaaq. Akuersissutinik tunniussinermut atatillugu kommunit, pisortanilu oqartussat allat qanimut oqaloqatigalugit akuutinneqarnissaat, nalilersuisussamik ataatsimiititaliaqarnissami siunertaavoq.

Taassumap saniatigut akuersissutinik suliaqarnissamut akisussaaffimmik kommuninut tunniussisinnaanissamut siunnersuut inatsisitigut tunngavissiivoq. Taamaakkaluartoq

tamanna kommuninut tamatuminnga kissaateqartunuinnaq pissaaq. Najukkami akuutitsinerunissaq siunertaavoq.

Inatsit atuuttoq eqqarsaatigalugu najukkami tunngavissiinissamik piumasaqaataasoq sakkortusineqarpoq, siunissami qinnuteqartoq ukiuni tallimani inuit allattorsimaffianni allassimanissaanik piumasaqaataalissammat. Qinnuteqartoq ingerlatseqatigiiffiuppat, ingerlatseqatigiiffimmi piginnittut minnerpaamik affai ukiuni tallimani inuit allattorsimaffianni allassimanissamik piumasaqaataasumik naammassinnissimanissaat, assinganillu aningaasaatinik piginnittut minnerpaamik affai piumasaqaataasumik naammassinnissimanissaat aamma piumasaqaataavoq.

Takornarialerinermi annertuumik suliniuteqarnermi inatsisissatut siunnersuut ilaavoq. Suliniutit aallartinneqarsimasut takornarialerinerup nunamut pitsaasumik kinguneqarnissaanik kinguneqassapput, soorluttaaq innuttaasunit, inuussutissarsiutilinnit, takornarissaniillu pitsaasumik misigisaqarfigineqassasut.

Naggataatigut inatsisissatut siunnersuut, tassungalu nalinginnaasunik oqaaseqaatit innersuussutigaaqka.

Taamatut oqaaseqarlunga Naalakkersuisut sinnerlugit siunnersuut Inatsisartunut suliassanngortippara.